

Gij Ndwenngoenz Vuenyungz Gyoengqvunz Yauzbuenzguj

Cibngeih nyied, rumzbaek ci dwk nit raixcaix, hoeng laeng ndaw ranz duicangj Lingzyinz Yen Cauzlij Yauzcuz Yangh Lanzaiz Cunh Mbanjsiujmauzbingz, bat feizdong ndeu dawz foengxuhu. Dangjyenz ganbu ndaw yangh caeuq vunzmbanj angq comz youq gizde, gangj canjnieb hwngfat, lwnh duetgungz fouqmiz. Gyawj geij bi neix doxdaeuj, Lanzaiz Cunh ndaem miz 250 lai moux hing, bi gai ndaej 300 lai fanh maenz, bang 30 lai hoh rangzungzhoj onjdingh duetgungz. Linghvaih, Lingzyinz Yen yungh lai cungj hingzsik bae lwnhgangj gij cingsaenz Daih Cibgouj Gaiq Haj Cung Cienzhohi Dangj, banh gij hozdung “duetgungz gyo’mbaiq aencingz dangj, haenqguh hainduq moq”, hawj gyoengqvunz rox cwngcwz, rox gamjaen.

(Vangz Yenzungz Luz Dingsungh Veiz Senh/黄元荣 陆定松 韦轩)

► Gyoengqvunz Yauzcuz humx naengh byoq feiz dingq lwnhgangj.



Lungzswng Sonlien Liebduk Daj-san Coengh Nungzminz Demsou

12 nyied 8 hauh daengz 12 hauh, Lungzswng Gak Cuz Swciyen Gyauyuzgiz caeuq Swsuij Yangh Segih doxcaez youq Mbanjlijcaiz guh aenban sonlien dinfwngz liebduk dajsan. Gyoengqde cingj le bouxcienzciep dinfwngz daj-san daeuj son 53 bouxhag liebduk dajsan. Gyoengqde hag le gij dangzgoq bingz-mienh san, lizdij san caeuq gyasei aeu faexcuk san daengj, daezsang gij dinfwngz guhhong swhgeij, coenghrenez duetgungz gunggeng dem hwngfat lajmbanj.

(Vuz Swnghbinh Yiz Linzyi/吴生斌 于琳钰)



▲ Bouxcienzciep son bouxhag baenzlawz san swx faexcuk.

Hong Minzcuz Doxgiet Baenaj Daj Lwgnyez Son Hwnj

Mboengqneix, youq aen ciengzyindung Yungz-yen Yungzcouh Cin Daihsam Siujyoz, gyoengq lauxsae caeuq lwghag caez diuq “fouxfaexsax” “56 aen minzcuz 56 dujva” daengj foux, langhbaij gij fwnhveiz naekna minzcuz doxgiet ranz vunz ndeu. Yungzyen gak gaep hagdangz aeu gij banjap gangj gojgaeq, ciengqgo, diuqfoux haenx bae lwnhgangj gij cingsaenz minzcuz doxgiet, caiq dawz gij ndangdaenj, ciethaiq minzcuz yinx haeuj hagdangz bae, hawj gyoengq lwgnyez daj iq hix rox 56 aen minzcuz dwg ranz vunz ndeu.

(Cinz Cungzvangj/秦崇广)

Makdumh Bya’ myauz Ndaejsou Lo



▲ Hekyouz youq ndaw daihbungz angqyangz mbaet makdumh.

12 nyied 12 hauh, gij makdumh 16 aen daihbungz laeng Yungzsuij Myauzcuz Swciyen Yungzsuij Cin Mbanjsinhgoz gaenq ndaejsou lo, yinx le haujlai hekyouz daeuj mbaet mak. Gyawj geij bi neix doxdaeuj, Yungzsuij riuzcienj reihnaz, haenqrenez hwngfat nungzyez, dawz nungzyez caeuq lijyouz doxgap hwnjdaej, youh ciq gij rumzdoeng cauqguh daengx guek lijyouz, roengzrenez bae cauxguh aen binjbaiz lijyouz “Yungzsuij gyaunde, fungcingz Bya-myauz” haenx.

(Vangz Cwngz/黄诚)